



I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN Y CULTURA

RESOLUCIÓN de 26 de mayu del 2016, de la Conseyería d'Educación y Cultura, pola que s'aprueba la convocatoria del "Premiu al Meyor Cantar" en llingua asturiana o en gallego-asturianu.

Esamináu l'espediente de referencia resulten los siguientes:

Fechos

Primero.—La difusión, fomentu y normalización social del asturianu y, nel so ámbitu, del gallego-asturianu nes sos diverses manifestaciones, acordies colo dispuesto nel Estatutu d'Autonomía del Principáu d'Asturies y la Llei 1/98, de 23 de marzu, d'Usu y Promoción del Bable/Asturianu, impliquen l'atención a los diversos sectores sociales, culturales y empresariales qu'intervienen nel procesu. Nesti sentíu, l'artículu 13 de la mentada llei refierse de manera espresa a la protección de la música n'asturianu en cuantes que manifestación cultural y artística, polo que la Conseyería d'Educación y Cultura vien disponiendo una serie d'acciones que contribuyan a la proyección de la cultura musical que se manda en llingua asturiana o gallego-asturianu.

Segundo.—Fomentar la creatividá musical contribuye ensin dulda nenguna a desenvolver la bayura cultural de la sociedá. Sábese tamién que la música, que naz de la voluntá de creación y comunicación, conlleva una dedicación de tiempu y esfuerciu susceptible de ser reconocida y incentivada polos poderes públicos.

Tercero.—Ye por ello que la Conseyería d'Educación y Cultura considera que procede la convocatoria del "Premiu al Meyor Cantar" na so novena edición, dirixíu a consolidar, arriquecer y prestixar la llingua y la cultura asturiana, na creencia, amás, de qu'actuaciones como esta contribuyen de manera eficaz a dinamizar l'actividá cultural de la Comunidá Autónoma, y sobre manera un aspectu tan importante de la mesma como ye'l de la creación musical.

Cuarto.—Por Resolución de 27 d'abril del 2016, de la Conseyería d'Educación y Cultura, apruébense les bases reguladores del "Premiu al Meyor Cantar".

A estos fechos aplíquense-yos los siguientes

Fundamentos de derechu

Primero.—L'artículu 3 del Decretu 71/92, de 29 d'ochobre, que regula'l Réxime Xeneral de Subvenciones, en rellación col artículu 38 de la Llei 6/1984, de 5 de xunetu, del Presidente y del Conseyu de Gobiernu del Principáu d'Asturies, l'artículu 5 del Decretu 6/2015, de 28 de xunetu, del Presidente del Principáu, de Reestructuración de les Conseyerías qu'integren l'Alministración de la Comunidá Autónoma, mesmo que l'artículu 10 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies; too ello no que fai a la determinación de les competencies y facultaes p'adoptar esta resolución.

Segundo.—Ye aplicable lo dispuesto na Llei 38/2003, de 17 de payares, Xeneral de Subvenciones, y el Decretu 71/1992, de 29 d'ochobre, sobre Réxime Xeneral de Concesión de Subvenciones.

Conforme lo espuesto y acordies colo previsto nos artículos 8c) y 41 del Testu refundíu del Réxime Económicu y Presupuestariu, aprobáu pol Decretu Llexislativu del Principáu d'Asturies 2/1998, de 25 de xunetu, pola presente,

RESUELVO

Primero.—Aprobar la convocatoria, en réxime de concurrencia competitiva, del "Premiu al Meyor Cantar" na so novena edición.

Segundo.—Esta convocatoria va mandase poles bases reguladores aprobaes por Resolución de 27 d'abril del 2016, de la Conseyería d'Educación y Cultura.

Tercero.—A esta convocatoria del "Premiu al Meyor Cantar" van poder presentase los músicos, a títulu individual o dentro de grupos, que comercializaran dalguna canción orixinal de cualesquier xéneru a lo llargo de los años 2014 o 2015, quedando escluyíes les pieces tradicionales yá esistentes, las versiones o adaptaciones d'obres de creación publicaes orixinalmente n'otra llingua, y los cantares que nun fueran editaos y grabaos la primer vez nel periodu referíu.

Cuarto.—Los intérpretes o grupos interesados han presentar solicitú según modelu normalizáu qu'acompaña a esta convocatoria (Anexu I). Les solicitúes hai que les presentar nel Rexistru Xeneral Central de l'Alministración del Principáu d'Asturies (Edificiu Alministrativu, c/ Coronel Aranda, e/n, planta plaza, sector central, Uviéu) o por cualesquier de los medios establecíos n'artículu 38 de la Llei de Réxime Xurídicu de les Alministraciones Públiques y del Procedimientu Al-



ministrativu Común. Si n'usu d'esti derechu la solicitú ye remitida per corréu, tien que se presentar en sobre abiertu pa que la solicitú sía fechada y sellada por personal de correos.

La presentación de la solicitú de participación supón l'autorización espresa pa que l'órganu instructor recueya de la Hacienda del Principáu d'Asturies, de l'Axencia Estatal de l'Alministración Tributaria y de la Tesorería Xeneral de la Seguridá Social l'estáu de les obligaciones tributaries autonómiques, estatales y frente a la Seguridá Social.

Quinto.—Los interesaos habrán presentar o mandar hasta'l 15 de xunetu del 2016 la documentación siguiente:

- Solicitú en modelu normalizáu (anexu I).
- Declaraciones responsables (anexu II).
- CD onde se recueya'l cantar escoyíu pol grupu o intérprete pa concurrir al premiu.
- Currículum del solista o grupu, incluyendo rellación nominal de componentes y instrumentos que toquen.
- Lletra de la canción escoyida, debidamente mecanografiada.

Sesto.—Acabáu'l plazu de presentación de solicitúes, estes van ser valoraes por un Xuráu que va presidir quien sía titular de la Direcció Xeneral de Planificación Llingüística y Normalización (o persona en quien delegue). El Xuráu va ser nomáu por resolución del conseyeru d'Educación y Cultura y va tar formáu por un máximu de nueve y un mínimu de cinco persones rellacionaes col ámbitu de la música asturiana.

Séptimo.—La selecció va tener dos fases. La primer fase va consistir nun llabor de preselecció onde los miembros del xuráu van puntuar a caún de los concursantes que s'axusten a lo estipulao nes bases; los cantares, nun númberu non inferior a cinco, que llogren la puntuación global más alta van ser consideraes finalistes.

Na segunda fase va escoyese al ganador/a d'ente la rellación de finalistes. Pa ello los finalistes tienen qu'actuar en directo defendiendo'l tema seleccionáu na Gala musical del "Premiu al Meyor Cantar" y, tres de les actuaciones, va faese públicu —nel trescuru de dicha Gala— el fallu del xuráu. Nesti sentíu, los finalistes clasificaos pa la segunda fase tienen qu'asumir la obligación d'actuar en directo na referida Gala, que va celebrase a últimos de setiembre del 2016. En casu de que dalgún de los finalistes seleccionaos na primer fase nun pudiera asumir esta obligación, va seleccionase al siguiente de los concursantes por orde de puntuación de mayor a menor, hasta completar el númberu de finalistes.

Octavo.—L'intérprete o grupu ganador va recibir como galardón una escultura orixinal y esclusiva d'un o una artista asturiana de prestixu reconocíu. Amás, el Gobiernu del Principáu d'Asturies va mirar pola promoción y difusión del cantar nos medios de comunicación y nos eventos entamaos o promovíos pol propiu Gobiernu.

Noveno.—Formulada pol Xuráu la correspondiente propuesta de resolución de concesión del premiu, el conseyeru d'Educación y Cultura va dictar resolución que va acabar cola vía alministrativa.

Décimo.—Ordenar la publicación d'esta resolución nel *Boletín Oficial del Principáu d'Asturies*.

Undécimo.—Esti actu pon fin a la vía alministrativa y contra'l mesmu pue interponese:

- a) Recursu potestativu de reposición ante l'Ilmu. Sr. Conseyeru d'Educación y Cultura. El plazu pa la presentación d'esti recursu va ser d'un mes.
- b) Recursu contencioso-alministrativu ante la Sala de lo Contencioso-Alministrativu del Tribunal Superior de Xusticia del Principáu d'Asturies. El plazu pa la presentación d'esti recursu va ser de dos meses.

Estos dos recursos nun puen simultaniase y el plazu pa la so interposición va cuntase, n'entrambos los dos casos, desde'l día siguiente al de la publicación d'esta resolución nel *Boletín Oficial del Principáu d'Asturies* (conforme a lo establecíu n'artículu 28 de la Llei del Principáu d'Asturies 2/1995, de 13 de marzu, sobre Réxime Xurídicu de l'Alministración del Principáu d'Asturies; y n'artículu 116 de la Llei 30/92, de 26 de payares, de Réxime Xurídicu de les Alministraciones Públiques y del Procedimientu Alministrativu Común). Too ello ensin perxuiciu de que los interesaos puedan exercitar cualesquier otru recursu que cuiden oportunu.

Oviedo, a 26 de mayu del 2016.—El Conseyeru d'Educación y Cultura, Genaro Alonso Megido.—Cód. 2016-05942.



Anexu I

MODELU DE SOLICITÚ DE PARTICIPACIÓN NEL "PREMIU AL MEYOR CANTAR"

INTÉRPRETE O GRUPU (*)	
NIF:	Residencia:
Llugar:	Códigu Postal:
Conceyu:	Teléfonu de contactu:
Fax:	E-mail:

(*) En casu de grupos, nesti apartáu tienen que figurar los datos del representante, ensin perxuciu nengún de que tolos miembros del grupu firmen la solicitú.

SOLICITA ser almitíu/da a la convocatoria del "PREMIU AL MEYOR CANTAR" CORRESPONDIENTE A LOS AÑOS 2014 Y 2015, COL CANTAR SIGUIENTE

NOME DE LA PIEZA	NOME DEL TRABAYU DISCOGRÁFICU EN QUE S'INCLUYE	NOMBRE DEL LLETRISTA

En cumplimientu de lo dispuestu na Llei Orgánica 15/1999, de 13 d'avientu, de Protección de Datos de Carácter Personal, pongo nel so conocimientu que los sos datos van ser incorporaos a los ficheros automatizaos titularidá de l'Alministración del Principáu d'Asturies.

Pa conocer les normes reguladores de los correspondientes al so espediente y, nel so casu, exercitar los derechos d'accesu, rectificación, cancelación o oposición, pue dirixir petición escrita a la Dirección Xeneral de Tecnoloxíes de la Información y les Comunicaciones de la Conseyería d'Empléu, Industria y Turismu, asitiada na Plaza España, 1, 33007 - Uviéu).

En/N' _____, a ____ de _____ del 2016

Fao.: _____

**ILMU. SRA. CONSEYERU D'EDUCACIÓN Y CULTURA
DIRECCIÓN XENERAL DE PLANIFICACIÓN LLINGÜÍSTICA Y NORMALIZACIÓN
Serviciu de Planificación Llingüística y Normalización**

DOCUMENTACIÓN QUE SE PRESENTA

- Solicitú en modelu normalizáu.
- Declaraciones responsables.
- CD onde se recueya la canción escoyida pol grupu o intérprete pa concurrir al premiu.
- Currículum del solista o grupu, incluyendo relación nominal de componentes y instrumentos que toquen.
- Lletra de la canción escoyida, mecanografiada dafechu.

La presentación de la solicitú conlleva, sacátenes manifestación espresa en sentíu contrariu, l'autorización pa que la Dirección Xeneral de Planificación Llingüística y Normalización recueya del Ente Tributariu del Principáu d'Asturies, de l'Axencia Estatal d'Alministración Tributaria y de la Tesorería Xeneral de la Seguridá Social l'estáu de les obligaciones tributaries autonómiques, estatales y frente a la Seguridá Social.

Nel supuestu de grupos, el restu de participantes autoriza a la Dirección Xeneral de Planificación Llingüística y Normalización a recoyer la información y datos precedentes.

En/N'....., a de del 2016





Anexu II

DECLARACIONES RESPONSABLES (*)

D./D.^a, con NIF, a efectos de la so participación nel "PREMIU AL MEYOR CANTAR 2014/2015"

DECLARA

Que nun ta incursu/a nes prohibiciones pa llograr la condición de beneficiariu señalaes nos apartaos 2 y 3 del artículu 13 de la Llei 38/2003, de 17 de payares, Xeneral de Subvenciones.

Que xustificó en tiempu y forma les subvenciones concedíes n'años anteriores pola Consejería d'Educación y Cultura.

Que cumplió les obligaciones derivaes d'ayudes y subvenciones concedíes con anterioridá por cualesquier de los órganos de l'Alministración del Principáu d'Asturies.

Que nun incumple lo previsto de manera espresa na convocatoria no que se refier a compatibilidá d'estos premios con otres ayudes.

(*) Nel supuestu de grupos, esta declaración responsable ha ser entregada por caún de los miembros del grupu

En/N' _____, a ____ de _____ del 2016

Fao.: _____

ILMU. SR. CONSEYERU D'EDUCACIÓN Y CULTURA
DIRECCIÓN XENERAL DE PLANIFICACIÓN LLINGÜÍSTICA Y NORMALIZACIÓN
Serviciu de Planificación Llingüística y Normalización